

ԳՐԱԿԱՆ ԵՐԿԽՈՍՈՒԹՅՈՒՆ

«ԺԱՄԱՆԱԿԻ ՄԵՋ ԶՈՒՆԵՑԱ ՍԵՐՈՒՆԴ, ՈՐԻՆ ՊԱՏԿԱՆԵՄ»

(Արքմենիկ Նիկողոսյան — Հուսիկ Արա)

Արքմենիկ Նիկողոսյան — Այս տարի Ծաղկաձորում տեղի ունեցած երիտասարդ գրողների հերթական խորհրդակցության ժամանակ, որին դու էլ էիր ներկա, ավագ գրողներն իրենց խոսքում երբեմն ասում էին, թե վերջին հինգ-վեց տարիներին գրական ասպարեզ մտած երիտասարդներն արդեն կայացել են որպես սերունդ։ Սա, իմ կարծիքով, ավելորդ հաճոյախոսություն էր, մանավանդ որ՝ ասվածն այդպես էլ չհիմնավորվեց քիչ թե շատ լուրջ փաստարկումներով։ Ընդհանրապես խոսք չեղավ սերունդ հասկացության պարագրիկումների, նրա էության մասին, վերջիվերջո՝ սերունդ ասվածը նույն տարիքի կամ գրեթե նույն տարիքի գրողների սոսկական, այսպես ասած՝ հավաքածու չէ։ Այն, իմ կարծիքով, առնվազն ենթադրում է ստեղծաբանական, գեղագիտական ինչ-ինչ ընդհանրականություններ, որի արդյունքում նույն դաշտում են հայտնվում իրարից անհատական ոճով տարբերվող մի քանի գրողներ։ Ինչպես ասենք՝ 1960-ականներին գրասպարեզ մտած բանաստեղծները։ Կուզեի հենց այստեղից էլ սկսենք մեր զրույցը. ի՞նչ է սերունդը, մանավանդ որ՝ բանավոր զրույցներում շատ ենք կատակով խոսում այն մասին, որ դու կարծես թե նույնիսկ պարզ սերնդային առումով միայնակ ես մնացել. ոչ ավագներն են քեզ ընդունում իրենց շարքերը, ոչ երիտասարդները։ Կարծես թե։

Հուսիկ Արա — Սերունդ ասվածը շատ պայմանական բան է, թեպետ ես էլ եմ հաճախ օգտագործում։ Պայմանական է այն առումով, որ գրականությունը, հայտնի է, անհատի գործ է, անհատներն են ստեղծում և հենց սերունդ կոչվածը անհատների մի խումբ է։ Նրանք պայմանականորեն են միասին։ Բոլոր ասած 60-ա-

կաններին տասնյակներով բանաստեղծներ ասպարեզ իջան, բայց սերունդ ասվածն ապահովվեց նրանցից չորս-հինգի շնորհիվ: Կա ժամանակի ընդհանուր զգացողություն և գեղագիտական ճաշակների ընդհանուր ըմբռնում: Կա ինչ-որ մի դաշտ, որտեղ գործում են ամեն մեկն իր համար, բայց և ինչ-որ ընդհանուր մի բանի ուղղված: Ճաշակի, մոտեցումների, արտահայտման ձևերի, ըմբռնումների ընդհանրականությունն է ապահովում սերունդը: 60-ականներին սերնդի մյուս բանաստեղծների գոյություն-չգոյությունը օգտակար է մի կարևոր հանգամանքով, թե ինչպես կարելի է չգրել, հատկապես բակային, թաղային, միայն իմ գյուղում ու փոքրիկ քաղաքում տեղավորվող ինքնասպան հայրենասիրության միջամբ:

Ա. Ն. — Կարծես թե ամեն ինչ ճիշտ ես ասում, տրամաբանված, ես համաձայն եմ քո տեսակետներին, բայց ինձ թվում է, որ ամեն դեպքում, սերունդ կազմող գրողներին կապում է մի բան, որ արտաքին մակարդակում չի դրսևորվում, տեսանելի, վերլուծելի չէ: Ինձ միշտ զարմացրել է 60-ականների առաջատար բանաստեղծների այդքան տարբեր լինելը իրարից: Վերցրու, օրինակ, Հովհաննես Գրիգորյանի իլեցված ոճով, առօրեական-կենցաղային քողավորմամբ փխրսոփայական սուգումներն ու Հենրիկ Հոյսանի մշակութաբանական շերտերի, ինտելեկտուալ խաղարկումների, ակադեմիական ճշգրտությունների վրա կառուցված, ընկալման առումով երբեմն նաև փակ պոեզիան: Ի՞նչն է այդ բանաստեղծներին միացնում: Բայց արի ու տես, որ նրանք միասնական սերունդ դարձան: Բայց ահա 1970-80-ականներին ասպարեզ իջած բանաստեղծների մի խումբ՝ Աշոտ Ավդալյանը, Հակոբ Մովսեսը, Հրաչյա Բեյլերյանը, ինչ-որ առումով նաև Հրաչյա Թամրազյանը, որոնց բանաստեղծությունը կառուցվում էր միջնադարյան հայ պոեզիայի պոետիկայի նորօրյա խաղարկումների ու բառի՝ ծիսականության հասցված դրսևորումների վրա, և ընդհանրապես՝ նրանք ընդհանուր շատ բան ունեն, որպես սերունդ չկայացավ, միասնականությունը չհատկանշվեց:

Հ. Ա. — 60-ականների սերունդն իր առջև խնդիր էր դրել նոր գրականություն ստեղծել, թարմացնել գրական դաշտը, բանաստեղծության մթնոլորտը, շինանյութը: Իմ կարծիքով դա էր, որ նրանց միացրեց: Իսկ Հակոբենց սերունդը չկայացավ երևի այն պատճառով, որ նրանք լինելով անհատներ, միասնական ինչ-որ

բանին չգնացին, այնուամենայնիվ: Կարծում եմ՝ նաև գիտակցաբար խուլյա տվեցին՝ ընդհանուր կաթսայում չեփվելու զգուշավորությամբ: Սա անհատապաշտ սերունդն է: Ժամանակն էլ խանդարեց, բարենպաստ չեղավ նրանց համար: Մեր հասարակական-քաղաքական կյանքում, այսպես ասած, հեղաշրջումը սկսվեց 1988-ին, չէ՞, բայց պոեզիայում հեղաշրջումը, փաստորեն, սկսվել էր 60-ականներին: Հետո եղավ ազատություն, անկախություն: Նախկինում պոետները ձգտում էին ազատության, և հանկարծ եկան ու ասացին՝ դուք ազատ եք: Թվում էր, թե ազատության պայմաններում պոեզիայում իսկական պայթյուն կսկսվի, բայց դա տեղի չունեցավ: Եվ գուցե դա օրինաչափ էր, որովհետև ինչ-որ իմաստով պայթյունն արդեն եղել էր: Դա հիասթափեցրեց շատերին: Հատկապես 1980-ականների կեսերին ասպարեզ իջած բանաստեղծները, նաև որոշ արձակագիրներ, 1990-ականների կեսերին մինչև իսկ թողեցին գրականությունը, և սերունդը որպես այդպիսին չկայացավ: Ավելին առաջացավ վակուում, դատարկ տարածություն: Հիմա մեր նոր բանաստեղծներն են եկել: Այսօրվա 18-30 տարեկանները պոեզիայում ի՞նչ են անում: Ի՞նչ միասնականությունների մասին կարող է խոսք լինել, երբ երբևէ այսպիսի տարաբնույթ հոսանքներ չեն եղել մեր պոեզիայում: Անգամ եթե նայենք 1920-ական թվականների համեմատությամբ: Այսօր, թեկուզ միայն «Գրեթեթում», տպագրվում են բանաստեղծներ, որոնցից ամեն մեկը մի ուղղության, մի ոճի է հարում: Բազմազանությունն, իհարկե, անցյալից ժառանգած ուժի և պոտենցիալի դրսևորում է, հայացքի շերտավորում է առաջանում, միատարրությունից խուսափելու ճիգ է և ազատ քննելու նախապայման: Գուցե այդ սերնդի միասնական դիրտակետը տարհայաց լինելն է: Սա էլ է ժամանակի նոր դրսևորում:

Ա. Ն. — Նորերին դեռ կանդրադառնանք: Ձգացիր, որ երկուսս էլ շատ բարձր կարծիքի ենք 60-ականների սերնդի բանաստեղծների մասին: Բայց գրողներ ու գրականագետներ կան, ասում են, որ Պարույր Սևակից հետո բանաստեղծ չենք ունեցել: Ինձ, ճիշտն ասած, այնքան էլ պարզ չէ, թե տվյալ դեպքում ինչ չափորոշիչներ են հաշվի առնվում: Քեզ՝ որպես բանաստեղծի, Պարույր Սևակից հետո Հայ պոեզիայի հետագիծը ինչպե՞ս է ներկայանում:

Հ. Ա. — Ինձ էլ պարզ չեն այդպես ասողների չափորոշիչները,

բայց հստակ կարող եմ ասել, որ Սևակից հետո մենք ունեցանք պոետներ, որոնց աշխարհին ներկայացնելուց չենք ամաչի:

Ա. Ն. — Ես ավելին կասեմ՝ բանաստեղծության այն տեսակը, որին ձգտում էր հասնել Սևակը, իբրև տեքստ մարմնավորվեց իրենից հետո: Նկատի ունեմ առաջին հերթին Հովհաննես Գրիգորյանի բանաստեղծությունը: Թեպետ որոշներ թշնամանքով կընդունեն ասածս, քանզի Սևակի պարագային ինչ-ինչ կարծրատիպեր են գործում, որոնցից դուրս ինչ-որ բան ասելը հերետիկոսություն է համարվում: Ի դեպ, ասածս, որ Հովհաննես Գրիգորյանը զուտ բանաստեղծության տեսակի առումով իրականացրել է Սևակի երազանքը, նոր բան չէ: Նախ՝ դա շատ ակնհայտ է: Բացի այդ՝ մի առիթով զբաղանազեստ Սեյրան Գրիգորյանն էլ է ընդգծել այդ հանգամանքը՝ ի դեպ, արժանանալով ավագներից Անահիտ Սահյանի գրավոր, այսինքն՝ հոգվածի մակարդակով դժգոհությունը:

Հ. Ա. — Իմ համոզմամբ՝ հայերենով վերլիբր գրելը չափազանց դժվար է և Հովհաննես Գրիգորյանի պոեզիան հայերենով գրված լավագույն վերլիբրն է: Եթե հռու չգնանք, նա դոնե այդ քայլը արեց Սևակից հետո, ով այդ ճկունությունը վերլիբր չունի: Նրանից առաջ էլ Ջրենցն ուներ վերլիբր, բայց նրանը ես համարում եմ ոչ մաքուր վերլիբր, կարող ենք բնորոշել՝ չարենցյան վերլիբր, ինչպես չըբանառում ենք սիամանթոյական սպիտակ բանաստեղծություն՝ իր բարձրագույն դրսևորումով: Կամ մի՞թե առաջընթաց չէ Հենրիկ էդոյանի այսպես ասած՝ ինտելեկտուալ պոեզիան, որի մասին շատերն ասում են, թե սառն է: Ես այդպես չեմ կարծում: Էդոյանի բանաստեղծության մեջ կարող ես 5000-ամյա մշակութային շերտ գտնել: Ինձ նաև զարմացնում ու հիացնում է Արտեմ Հարությունյանի աշխարհայացքն ու աշխարհընկալումը: Նա շատ լայն ընդգրկումներով է նայում աշխարհին, ինչը, ցավոք, բացակայում է մեր երիտասարդ բանաստեղծների տեքստում: Նրանք սահմանափակվում են իրենց փողոցների իրականությունը: Կընդունեն՝ Արտեմին, թե չեն ընդունի, կասեն՝ նրա պոեզիայում չատը ջուր է, կամ չգիտեմ, թե էլ ինչ կասեն, բայց այդ բանաստեղծի էությունից, մի անկյունից ամբողջ մոլորակը դիտարկելու կարողությունը, լայնախոհությունը պակասում էին ու պակասում են մեր պոեզիային:

Ա. Ն. — Հուսիկ, այժմ դանք դարասկզբի պոեզիայի երևումներ-

րին, նոր անուններին: Համաձայն չե՞ս, որ ամբողջականություն-
ների, համակարգվածայնությունների բացակայություն է առկա, և
որ ինչ-ինչ կտրտվածություն, հատվածականություն է նկատելի
հատկապես երիտասարդ բանաստեղծների մոտ, թարմության պա-
կաս: Ասածս, անշուշտ, ընդհանրական մակարդակի է և չի պա-
րագրվում առանձին անհատների:

Հ. Ա. — Գիտես ինչ, ես շատ կարևոր եմ համարում 1988-ի այդ
այսպես ասած՝ հեղաշրջումը, որի մասին քիչ առաջ ասում էի: Ոնց
ուզում ես նայիր, դա կարմիր թելի պես անցել է մեր գրականու-
թյան միջով: Գրողի ու գրականության միջով և իր ազդեցությունն
է թողել: Բո ասած չկայանալու, համբողջանալու պատճառներից
մեկը ես համարում եմ դա: Չմոռանանք նաև, որ 1990-ականների
ծանր տարիներին իսկապես քիչ գրականություն գրվեց: Ես իմ
հոգիվածներից մեկում անդրադարձել եմ այն խնդրին, որ գրական
հերոս դարձավ այն մարդը, ով գրական բեռը երկար չէր կարող
տանել: Եվ ոչ թե այն պատճառով, որ թույլ էր, այլ այնպես էր կա-
ռուցված գրական հերոսը, որ հոգնելու էր, երկար չէր կարողա-
նալու դիմանալ: Այդպես բոմբն էլ կարող է դառնալ ուժեղ գրական
հերոս: Ի վերջո, այդ հեղաշրջումից հետո պոեզիայում ստացվեց,
այսպես ասած՝ «կորուսյալ սերունդ»: Եղան ժամանակներ, երբ մի
տեսակ բոլոր ճանաչապարհները գրականությունը փակուղի էին
տանում: Դա զգալի է այդ շրջանի բոլոր պոետների մոտ: Շատերը
թողեցին գրականությունը, ով էլ մնաց՝ կիսատ-պուտ բաների հա-
սով: Դա «կորուսյալ սերունդն» է պոեզիայի: Ես ինքս էլ այդ «կո-
րուսյալ սերունդի» մաս եմ կազմում: «Կորուսյալ սերունդի» մաս են
կազմելու նաև այսօր եկող երիտասարդ բանաստեղծները: Այսօր
ներանք ազատություն ունեն, ամեն ինչ ունեն, բայց երիտասարդե-
րը, նաև ես ու, ընդհանրապես, բոլոր գրողները, ամբողջովին դեռ
ձերբազատված չենք ինչ-ինչ բաներից, ներքուստ ազատ չենք: Ու-
րովհետև ազատությունը մեկ օրում չեն նվաճում, մեկ օրում ազատ
չեն դառնում. դա սերունդների խնդիր է: Դեռ շարունակում ենք
մեկումեջ ետ նայել, անցյալի հայացքը արտաքուստ մերժում ենք,
սակայն ենթագիտակցաբար ձերբազատված չենք, արդի պես նստ-
վածք կա (անգամ նրանց շնչառության մեջ, ովքեր որպես անհատ
չեն ձևավորվել այդ անցյալի մեջ), դեռ ջրեր են հարկավոր՝ ողողե-
լու, լվանալու համար: Այսօրվա 18-30 տարեկան պոետների մոտ ես

շփոթեմ գգում, մի տեսակ թափառում են ստվերների պես, չեն տեսնում այն պատը, որտեղ պիտի հանգրվանեն: Ազատության փնտրտուքը դեռ կա, դա նվաճելու խնդիր դեռ կա: Գուցե հաջորդ սերունդը կարողանա այդ խնդիրները լուծել, գրական բուռն առաջացնել, հստակ ուղղվածություն ունենալ: Եվ գուցե այդ պատճառով է, որ այդքան բազմաոճ է այսօրվա մեր պոեզիան, և այսօրվա պոետներին չես կարող սերունդ համարել: Տես, ես ասում եմ երիտասարդ բանաստեղծներ, չեմ ասում սերունդ: Լիարժեք պոեզիան է պակասում նրանց խումբը սերունդ կոչելու համար: 1980-ականներին բանաստեղծները, որ թոփչքի մեջ զարկվեցին, թեաթափ եղան, շունդալից էին մտել գրականություն, բայց այսօր մոտքի այդ շունդալիությունը չկա: Նարինե Ավետյանն էր թոփչքների պոետ, բայց նա առաջին գրքից նետո լուց:

Ա. Ն. — Բայց ավելի լավ չէ՞ Նարինեի այդ լուռությունը, քան շատ-շատերի բազմազիրք շատախոսությունը:

Հ. Ա. — Զէի ասի: 21-րդ դարում պոեզիայի զարգացման բնույթն այնպիսին է, որ մի բարալիկ գրքույկով քո տեղը գրականության մեջ չես կարողանալու նվաճել, որքան էլ այդ գիրքը հզոր լինի: Այն մոռացվելու է: Մի արտահայտություն կա՝ անցել է 20-ամյա վաղամեռիկ հանճարների ժամանակը...

Ա. Ն. — Հենրիկ էդոյանն է առել... Ու, ի դեպ, քեզ տված հարցազրույցում:

Հ. Ա. — Շատ ճիշտ է ասել: Հիմա գրականությունը ավելի լուրջ, հետևողական աշխատանք է պահանջում, տասնամյակների աշխատանք:

Ա. Ն. — Հակառակ այն բանին, որ դու քեզ էլ ես մտցնում «կոռույալ սերնդի» մեջ, բայց իմ կարծիքով դու արդի հայ պոեզիայի այս նոր փուլի հատկականությունները պայմանավորող դեմքն ես լինելու: Եվ ամենից առաջ այն պատճառով, որ դու մի տեսակ չեզոք դիրքում ես, և այդ չեզոքության շնորհիվ քո պոեզիան կամրջում-միասնականացնում է արդեն ավազ պոետների ստեղծածն ու երիտասարդ բանաստեղծների ստեղծածը: Ու դրանով ինքնատիպ բանաստեղծներից ես, եթե չասեմ՝ ամենաինքնատիպը նույնիսկ քո խաբխափումներով ու որոնումներով: Դու որքանով ես գգում քո այդ «կամրջային» վիճակը, որն առաքելության խորհուրդ ունի իր մեջ:

Հ. Ա. — Այսպիսի տող ունեւ՝ «Ժամանակի մեջ չունեցա սե-
րունդ, որին պատկանեմ»։ Իմ հասակակիցներից միայն ես մնացի։
Ինձ հետ ուսանողական տարիներին շատ ստեղծագործողներ կա-
յին, շնորհքով տղերք, որոնք հիմա չկան, չեն գրում։ Միայն Մհեր
Արշակյանն է, ով, ափսոս, խորացավ լրագրութեան մեջ։ Դրա հա-
մար այսօր կամ սովազների հետ եմ ընկերութիւն անում կամ ձեր
հետ։ Հստակ՝ ոչ այն կողմում եմ, ոչ էլ այս կողմում։ Տարբեր ու
հակասող հայացքով նայել բանաստեղծութեանը, շրջահայաց լի-
նել և մոտենալ գուգահեռներ չգտնող ճանապարհներով. դրանք
թելեր են, որոնք մի տեղ պիտի քարկապ տամ։ Այդպիսի փորձեր
արել եմ։ Ընդհանրապես, այն պատկերացումը, որ ունեւ պոեզիա-
յի մասին, դրա համեմատ իմ դրածներն ընդամենը փորձեր են։
Հուսով եմ՝ մի օր կստացվի։ Կան զգացողութիւններ մեր երիտա-
սարդների մոտ, ասենք՝ Աննա Դավթյանի, որոնք ինձ հարազատ
են։ Բայց նա էլ դեռ ամբողջովին չի գտել իրեն։ Երիտասարդ
գրողներից ես Արսի Ոսկանյանին եմ կայացած հեղինակ համա-
րում։ Գուցե նրա «Միկ» ժողովածուն այն տպավորութիւնն է թո-
ղել, թե նա փնտրտուքների մեջ է, բայց իմ կարծիքով՝ իսկական
գրողը միշտ էլ փնտրտուքի մեջ է։

Ա. Ն. — Երիտասարդների մասին շատ են ասում, որ կյանքը,
կենսափորձը պակասում է նրանց գրածներում։ Ի՞նչ ես կարծում,
կյանք-գրականութիւն հարաբերութիւններում ինչ-որ բան չի՞
փոխվել։

Հ. Ա. — Կարծում եմ՝ ասվածը տեղին է։ Լավ, հաճախ՝ անչափ
տպավորիչ պատկերներ են, բայց ոնց որ կյանքով չհագեցվեն։
Դրանից այդ գործերը թուլանում են։ Կյանքը շատ կարևոր է։

Ա. Ն. — Բայց ունենք բոլորովին հակառակ օրինակը՝ Անահիտ
Հայրապետյանի պոեզիան, որ լրիվ կյանքային է և շատ քիչ են
պոետական վերացարկումները։ Դու ինչպե՞ս ես պատկերացնում
այդ հարաբերութիւնները։ Մարդը չկա մեր այսօրվա երիտասարդ
պոետների մոտ։ Ի՞նչ է լինելու սրա վերջը։ Ոնց հասկացա՞ ջահել-
ների հետ դու հույսեր չես կապում։

Հ. Ա. — Ձէ, այդպես է։ Դեռ ժամանակ կա, նրանց դեռ երկար
ժամանակ է պետք։ Պատկերավոր ասեմ. կար չենք, որը փլվեց,
մնացին ավերակները, նրանք այդ ավերակների վրա եկան նաև։
60-ականների և նոր բանաստեղծների արանքում կա փլատակ՝

«կորուսյալ սերունդն» է: Հիմա նրանց Համար դժվար է այդ ավերակներէ մեջ գտնել իրենց ճանապարհը, տարիներ են պետք: Պոռ-դիան, և առհասարակ գրականությունը կյանքային պետք է լինի: Օրինակ՝ ես իմ բանաստեղծություններում առկա շատ պատկերներ վերցրել եմ լուրերի թողարկումներից:

Ա. Ն. — Իսկ խորքի առումով ինչ կասես: Խորք կա՞նք այսօրվա պոեզիայում: Ասելիքի լճացում է ու մակերեսայնության հաղթարշավ՝ իմ կարծիքով: Ելի եմ ասում՝ սա ընդհանրական տպավորութ-
յուն է, բացառություններ, անշուշտ, կան:

Հ. Ա. — Համաձայն եմ: Եթե խորքային բաներ կան, ապա ավագ սերնդի պոետների մոտ է: Վերջին հրապարակումներից Հովհան-նես Գրիգորյանի շարքն էր այդպիսին: Գուցե յոթը բանաստեղծու-
թյունից երեքը, նույնիսկ չորսը չհավանես, բայց մնացածում նրա տաղանդը զգացվում է: Ավերակների վրա եկած բանաստեղծները դրսևորվելու հրկու տարբերակ ունեն՝ կամ պիտի պայթնին՝ ստեղծելով հզոր պոեզիա, կամ էլ՝ այսպես, ոնց որ կա: Գուցե այ-
սօրվա երիտասարդների ստեղծածը, նրանց փոքր կամուրջ դառ-
նա գալիք սերնդի թուլջանների Համար:

Ա. Ն. — Այսօրվա պոեզիայի խորքայնության մասին հարցս՝ խորքում քննադատությանն էլ էր առնչվում: Քանզի խորք չտա-
լով՝ շատ բանաստեղծներ դժգոհում են, թե քննադատները չեն կա-
րողանում թափանցել իրենց ստեղծագործության խորքերը: Ըստ
քեզ՝ քննադատությունն այսօր ինչպես է ընթերցում արդի պոե-
զիան:

Հ. Ա. — Քննադատությունը կարդում է այնպես, ինչպես կա, քննադատությունն իրենից բաներ չի կարող հնարել: Այսօրվա ե-
րիտասարդ բանաստեղծների գրածը ոչ թե քաղաք է, այլ փոքր քաղաք՝ տարածության ու խորքի առումով: Մեծ ընդգրկումը չկա: Բարակ թելի պես զգացմունքը դարձնում են բանաստեղծություն: 21-րդ դարում, ի դեպ, դա շատ տարածված է: Բայց բարձր պոե-
զիան ուրիշ բան է: Ես, օրինակ, այսօրվա ջահելներից ոչ մեկի պոեզիան Հենրիկ Էդոյանի պոեզիայի Հետ չեմ կարող համեմատել, որի 20 տողի մեջ ահռելի խորքեր են նվաճված: 21-րդ դարի բա-
նաստեղծական տեքստը լայնակապ պետք է լինի, պատկերես ոչ
թե մի տուն իր բակ ու ծխնելույղով, այլ մի ամբողջ քաղաք՝ իր
ներքին և արտաքին միասնակայով: Ոչ թե արձան, այլ՝ արձանա-

խումբ: Նախորդ դարում այդպիսի տեքստեր ստեղծել են Ռիլկեն, Էլիոթը, Սեն-Ժոն Պերսը և էլի ուրիշ տիեզերական Հայացքով պոետներ, այդ թվում Հմոռանանք մեր Թումանյանին ու Ջարեն-ցին: Պոետը Աստծո Հայացքով պետք է քննի երկիրն ու երկինքը:

Ա. Ն. — Գուցե գրագիտության պակաս կա նաև այսօրվա երիտասարդների մոտ, գրագիտություն՝ կարդացածության առումով:

Հ. Ա. — Գրագետ են, չէ՛: Կարդում են, կրթված են, նաև նրանց բանաստեղծական տողն է գրագետ: Բայց տողի ընդգրկումն է նեղ: Այսօր կարդում ենք մի 20 հոգու ու ասում ենք՝ լավ է: Բայց այսօր «լավ է»-ն քիչ է պոեզիայի Համար: Դրանից մի քանի քայլ էլ վերև պետք գնալ, որպեսզի լուրջ, մնայուն պոեզիա ստեղծես: Այսօր նկատելի է միևնույն լրացնելու պես մի բան: Առաջին նշաձողն անցան ու արդեն բավարարվում են: Բոլորն անխտիր: Բարձր նշաձող որ դնես՝ ոչ մեկը չի թռնի: Թոքերը մեծ չնշառութան Համար չեն պատրաստել (առայթմ այդ տպավորությունն է), իրենց չեն գգում աշխարհի գրական ութթմի մեջ, դուրս են այդ շփումից և մնում են իրենց շրջապատի, փողոցի պոետը...